

桑寄生

白木

各五分

茯苓

四分

甘草

一錢

水煎服

安胎飲

躰倦惡食或胎動腹痛或下血發熱腰痛

炙甘草

茯苓

川芎

熟地

川芎

白木

黃芪

白芍

炒

半夏

泡

阿膠

炒

地榆

各五分

加姜棗水煎服

又方

好銀煮取水入葱白作羹食之妙

生生子曰按良方云妊娠婦人倘氣血虛弱無以

滋養其胎終不能成也宜下之以免其禍若胃

氣壯實衝任榮和如魚之處淵得其所也宜必

盡方技以補養之庶無所悞設因病而胎不能

安者不得不下之藥劑亦須謹慎

桂心散

妊娠因病而胎不能安者以此下之

桂心

瓜蒌

牛膝

藟麥

各五分

歸尾

一錢

右水煎服

又方

牛膝

一兩

酒煎食前空心服下

又方

生鷄子一枚鹽三錢攪勻服之立下

佛手散更妙 凡胎死者即下生者即安

胎漏下血

附卒然下血下如莖汁

良方曰妊娠經水時下由衝任氣虛不能約制蓋  
心小腸二經相為表裏上為乳汁下為月水故  
妊娠經水壅<sub>以</sub>養胎蓄之<sub>以為</sub>乳若經水時下  
名曰胞漏血盡則斃矣

丹溪曰胎漏有曰氣虛者有曰血虛者有曰血熱  
者不可不察也

薛氏曰前症有風熱者以防風黃芩丸若曰血熱  
加味逍遙散血虛二黃散血去太多八珍湯未  
應補中益氣湯若曰肝火用柴胡山梔散脾虛

加味歸脾湯若曰事下血作痛八珍湯加阿膠  
熟艾脾胃虛者補中益氣湯加五味子下陷者  
倍升麻柴胡哺熱內熱用逍遙散亦有血氣盛  
養胎之外而有餘者不必服藥

卒然下血良方謂冷熱不調七情失宜氣血不和  
所致若傷於胎則痛血去多則墮矣 薛氏云  
前症氣怒者小柴胡湯風熱用一味防風丸血  
熱用一味子芩丸脾氣虛六君子湯中氣下陷  
補中益氣湯

一婦妊娠六月每怒下血甚至寒熱頭痛脇脹腹痛作嘔少食予謂寒熱頭痛乃肝火上冲脇脹腹痛乃肝氣不行作嘔食少乃肝侮脾胃下血乃肝火血熱用小柴胡加芍藥炒黑山梔茯苓白朮而愈 訶子能止胎漏及胎動欲生脹悶氣喘

安胎散 治卒然腰痛下血

熟地 艾葉 白芍炒 川芎 黃芪炒 川歸

阿膠炒 甘草炙 地榆各五分 加姜枣水煎服

子芩丸 治肝經有熱妄行用細条芩沉實者炒

為末每服一錢以鉄秤鎚燒赤淬酒熱調服若脾胃虛者不宜用

防風丸 治肝經有風血目妄動而不歸經

防風為末每服一錢白湯調下

防風黃芩丸 治肝經有風熱致血崩便血尿血

用条芩炒焦防風等分為末酒糊丸梧子大每服三五十丸食前米飲或酒下

二黃散 治胎漏下血或內熱晡熱或頭痛頭暈

煩躁作渴或脇肋脹痛等症

生地 熟地 為末每用三錢煎白朮枳壳湯

調服

二黃杵膏為丸尤妙  
庶不枯槁而有力也

芎歸膠艾湯

妊娠下血腹中痛為胞阻以此之安

艾葉

阿膠炒

川芎

當歸

各三兩

甘草

一兩

右細切以水八升煎取三升內膠溶盡分三服

立聖散

治妊娠下血不止

雞肝三枚用酒一升煮熟頓食之大効

阿膠散

妊娠無故下血不止

阿膠三兩炒為末酒一升半煎令溶一服愈

又方 治血熱下血及胎漏下血不止

阿膠二兩為末 生地黃半斤搗取汁以清酒

三升絞汁分三服

又方 治胎漏下血不止胞乾即死宜急治之

生地黃汁

一升 陳酒

五合

全煎三五沸溫三服

以止為度

枳壳湯

治虛熱胎漏下血或曰事下血

枳壳

黃芩

各半兩

白朮

一兩

水煎食前分三服

本事方

治胎下血不止

菝奴菝樹上乾不燒存性為末水調服妙

娠娘胎漏下黃汁或如荳汁白漿或如赤荳汁予

歷見此症不早治其胎必墮

大全方 治娠娘忽然下黃汁如膠或如荳汁胎

動腹痛乃氣虛也

糯米升五 黃芪兩六 水七升煎取二升分四服

薛氏云若肝脾濕熱用升陽除濕湯肝脾風熱加

味逍遙散肝脾鬱怒加味歸脾湯脾胃氣虛用

錢氏白朮散若脾氣下陷補中益氣湯風入腸

胃用胃風湯

東垣升陽除濕湯 治婦人女子漏下惡血月事

不調或暴崩不止多下水漿之物皆由飲食

失節或勞傷形躰或素患心氣不足回飲食

勞倦致令心火乘脾其脉緩而弦急按之洪

大皆脾土受邪也

柴胡 羌活 蒼朮 黃耆錢炒各半 防風 升麻

甘草錢各 藁本錢各 蔓荊子分七 獨活 當歸分各五

右水煎食前服

胃風湯 治風邪乘虛客於腸胃水谷不化泄瀉  
下注腹脹虛滿腸鳴作痛及腸胃虛熱下如  
莖汁或瘀血日夜無度

人參 白朮 茯苓 川芎 川歸 白芍

桂皮 粟米 右水煎食遠服

銀芎酒 治妊娠下黃汁或如赤莖汁

芎根去黑皮 好銀各一斤 水九升煮取四升每服入

酒半升煎分二服

脉經曰婦人懷軀六月七月暴下斗餘水其胎必

倚而墮此非時孤漿預下也

胎漏下水乃徐徐而下今暴下而多

故知胎墮

胎上逼子懸也

妊娠將養如法則血氣調和胎得其所而產亦易  
否則胎動氣逆上逼臨產亦難甚至危矣

陳良甫云治一婦人有孕七個月遠歸忽然胎上  
冲心而痛坐卧不安兩醫治之無效遂說胎已  
死矣用草麻子研爛加射香貼臍中以下之命  
在垂亡名陳胗視兩尺脉絕他脉平和陳問二

醫作何症治答曰死胎也陳曰何以知之曰兩尺脉絕是以知之陳曰否此子懸也若是胎死却有辯處面赤舌青子死母活面青舌赤吐沫母死子活唇口俱青母子俱死今面不赤舌青其子未死是胎上逼心宜以紫蘇飲治之至十服其胎遂不逼而下安矣

紫蘇飲

治妊娠胎氣不和逼上脹滿疼痛謂之子懸

兼治臨產驚恐氣結連日不下

紫蘇葉一兩

大腹皮

人參

川芎

陳皮

白芍

各五錢

當歸

錢

甘草

一錢

右剉分三服

每服加姜四片葱白七寸水煎至七分空心服○曾有累日產不下遍服催生藥不効此必坐草少早心存一點畏惧氣結而不行非不順也素問云恐則氣下蓋恐則精神怯則上焦閉則氣還則下焦脹氣乃不行得此藥一服便產及治妊娠六七月子懸每用此數有驗不十服胎便近下而安

大千方

治胎上逼煩悶併治胎動困篤

葱白二七莖濃煮汁飲之若胎未死則安已死

即下如未効再服○若唇口青黑手足厥冷

須佐以當歸湯

○本草云葱白通陽氣安胎此方神妙脉浮滑者宜之

當歸湯 治胎動煩躁或生理不順唇口青黑手

足厥冷 人參 當歸 阿膠炒 炙甘草各二錢

葱根連白握 右水四碗煎四味減半去渣入葱

再煎至一碗分二服

薛氏云一妊婦每因恚怒其胎上逼左關脉絃洪乃肝火內動用小柴胡加茯苓枳壳山梔而愈

但躰倦不食用六君子調養脾土加柴胡枳壳

調和肝氣乃瘥

又一妊婦胎上逼胸滿暖氣飲食少思此脾氣鬱

滯用紫蘇飲頓安又用四君子加枳壳柴胡山

梔而瘥

大聖散 治妊婦怯悸夢驚心腹脹滿連臍急痛

白茯苓 川芎 麥冬 黃芪炒 川歸各一錢

人參 炙甘草 木香各五分 加生姜水煎服

白朮湯 妊婦遍身痛或冲心欲死不能飲食



白朮

五兩

黃芩

二兩

芍藥

四兩

右水六升煮取

二升半分三服○緣胎有水致痛兼易產

妊娠心痛腹痛

妊娠心腹痛或宿有冷疾或新觸風寒或痰飲相

搏若痛傷胞絡必至動胎甚則傷墮

妊娠卒心痛氣欲絕

川芎

當歸

茯苓

厚朴

制各一錢

水煎服

當歸芍藥湯 妊娠心腹急痛或去血過多而眩

暈

白芍炒

當歸

茯苓

白朮

炒

澤瀉

各一錢

川芎

二錢

右水煎服

阿膠散

治胎痛腹痛

白茯苓

白朮炒

川芎

阿膠炒各一錢

當歸

陳皮

各二錢

甘草

炒三分

右姜朮水煎服

熟艾湯

治妊娠心腹痛或吐血衄血

熟艾如拳大水煮服之効○中惡亦妙

有癥者宜去癥

凡胎動多在當臍今動在臍上故知是癥也

此症宜以

仲景桂枝茯苓丸主之

桂枝茯苓丸

妊娠腹痛不能忍或偶有所傷胎

動不安命將絕者砂仁不以多少連皮炒黑色或單用仁炒為末熱酒調下二錢不飲酒者米飲下但養腹中熱胎已安矣懸命須臾者以砂仁湯吞桂枝茯苓丸又名奪命丸專治婦人小產下血子死腹中其婦增寒手指唇口爪甲青白面色黃黑胎上搶心悶絕欲死冷汗自出或食物或誤食草藥傷動胎氣下血不止胎或未損者服此即安胎已死者服此即下腐爛者亦能取下此方原係異傳

丹溪亦稱其神此即仲景桂枝茯苓丸但用

淡醋湯嚼下耳 桂枝 茯苓 牡丹皮

菝仁去皮尖

赤芍藥 右各等分蜜丸彈子大

淡醋湯嚼下一丸不知漸加至三丸

妊娠腰背痛

腎主腰胎繫于腰痛甚者或因勞役傷損則胎墮也

薛氏曰若外邪所傷用獨活寄生湯勞傷元氣八珍湯杜仲砂仁膠艾脾腎不足以前藥加白朮

補骨脂氣血鬱滯用紫蘇飲加桔梗枳壳肝火  
所動以小柴胡湯加白木枳壳山梔肝脾鬱結  
用歸脾湯加柴胡枳壳

一妊婦頸項強直腰背作痛此膀胱經風邪所致  
用拔萃羌活湯一劑而愈又用獨活寄生湯及  
八珍湯以祛邪固本而痊

通氣散 腎虛腰痛神効 破故布炒為末空心

每服二錢嚼胡荽肉半個以温酒下

杜仲丸 治妊娘腰痛 杜仲炒 川續斷酒浸

各等分為末煮枣肉為丸梧子大每服七十  
丸酒或米飲下

膠艾湯 治腰腹疼痛胎動欲落即前妊娘下血

安胎飲是也 熟地 艾葉 白芍 川芎

黃芪 阿膠 川歸 甘草炒 各等分加

姜枣水煎服

獨活寄生湯 治足三陰虛風濕所侵腰膝歷節作痛

獨活 桑寄生 續斷炒酒 杜仲姜汁炒 細辛

秦艽 牛膝炒酒 茯苓 白芍炒 桂心

川芎

防風

人參

熟地

川歸

粉草

各五分

右水煎服

一婦苦腰痛數年不愈用白朮一味大劑服不三月而痊乃胃氣虛閉之症白朮能利腰膈之血故安胎而治痛也

按萃羌活勝濕湯

治頭疼脊痛腰似折項似拔

羌活

獨活

各一錢

藁本

防風

炙甘草

各五分

川芎

蔓荊子

各二分

右水煎服如身重腰

沉之然是濕熱也

加黃柏一錢附子五分

蒼朮二錢

### 妊娠小腹痛

薛氏曰一妊婦小腹痛作痛其胎不安氣攻左右或時逆上小便不利用小柴胡湯加青皮山梔清肝火而愈後因怒小腹脹滿小便不利水道重墜胎仍不安此亦肝木熾盛所致用龍胆瀉肝湯一劑諸症頓愈乃以四君子加柴胡升麻以培脾土而安

龍胆瀉肝湯

治肝經濕熱兩脇腫痛或小腹痛

脇痛小便澀滯等症

龍胆草

酒拌炒黃

澤瀉

各一錢

木通 生地 川歸 車前子炒 山梔炒

黃芩炒 甘草各五分 水煎服

阿膠散張氏名湯 不問妊娠月數深淺或顛仆或回

毒藥胎動不安腰疼腹痛搶心短氣

熟地 艾葉 白芍 川芎 黃芪 阿膠

川歸 甘草各一兩 右剉每服五錢入姜棗水

煎服 金櫃方無黃芪

妊娠心腹脹滿

薛氏曰若外感風寒內傷飲食用藿香正氣散若

食傷脾胃用六君子湯若陽氣壅滯用紫蘇飲

一妊婦飲食停滯心腹脹滿或用人參養胃湯加

山查青皮枳壳其脹益甚其胎上攻惡心不食

右關脉浮大按之則絃此脾土不足肝木所侮

用六君子加升麻柴胡而愈後小腹痞悶用補

中益氣湯升舉脾氣乃瘥

妊娠數墮胎

夫胎乃陽施陰化榮衛調和經水完全十月而產

若血氣虛損不能養胎所以數墮也凡妊婦腰

痛多致墮胎

薛氏曰丹溪云陽施陰化胎孕乃成血氣虛乏不能榮養其胎則墜譬如枝枯則果落藤痿則花墜嘗治賈氏婦每有姪至三月前後必墜診其脉左右大而無力重則瀋知其血虛也補其中氣使血自榮時正初夏教以濃煎白朮湯下黃芩末二錢與數十帖得保而生因而思之墮於內熱而虛者於理為多曰熱曰虛蓋姪至三月上屬相火所以易墮不然何以黃芩熟艾阿膠

等為安胎之妙如此也大抵治法須審某月屬某經育養而藥之

生生子曰胎猶瓜也瓜生於藤、肥而瓜壯未熟而凋者由藤稿而風搖也胎藏母腹繫于命門命門者督脉之所循也又衝任二脉為血之海妊婦而經不行者血蓄以養胎也足月而生者猶瓜熟而蒂落也苟內無所傷外無所感何墮之有衝任督三脉一宗衝脉由氣街而行足少陰任脉起於胞門子戶由會陰而行腹督脉繫

廷孔由會陰而行背歷長強循腰膂命門而上  
巔驗今之墮胎者苟非衝任之不足必由色慾  
之縱恣淫火一動則搖撼其督脉胞門亦由之  
而不閉胎斯墮也胎墮必腰痛者腰膂命門皆  
督脉之所歷胎又繫于命門故也現牝獸之護  
胎則可推其所慎矣牝牝交合有節懷胎之後  
牝獸近身則蹄而遠之是以交而必孕；而必  
育者由交合之有節也懷妊而不遠慾即幸不  
墮生子亦必脆弱多疾痘疹亦多險逆皆淫火

煅煉所致觀丹溪曰虛曰熱抑豈無其所自乎  
予故揭而告諸保孕者當知其所慎重至于藥  
劑則虛熱二字為之本矣是以八珍阿膠杜仲  
黃芪黃柏黃芩桑寄生香附為安胎之妙者得  
非治其本歟

凡保胎當理脾胃脾胃為倉廩五臟六府之所稟  
受胚胎由之以滋養也胃屬陽明陽明者衝任  
之長也

一方 鯉魚二斤者一尾粳米一升用鹽醬和煮

食之甚善一月食三次為佳

芎藭補中湯 懷妊血氣不能榮養以致半產早

能服此預先補之不致于墮

乾姜煨 阿膠炒 芎藭 五味子各五分 黃芪炒

川芎 白朮炒 杜仲炒 白芍藥各一錢 人參

木香 甘草各五分 右水煎服虛寒所宜

千金保孕湯 氣血不足每至三四月而墮當預服之

人參 黃芪 白朮 川芎 甘草 黃芩

杜仲 桑寄生 川續斷 白芍藥 砂仁

加粳米五十粒水煎食遠服○若氣痞悶不

舒加厚朴蘇梗○若腹痛加熟艾葉香附○

見血下加升麻地榆椿根白皮阿膠

醋附丸 治數墮胎者此藥甚妙 亦治崩漏帶

下積聚癥瘕臍腹疔痛

香附子擦去毛淨 用好醋煮透焙乾為末仍以醋打

糊為丸梧子大每服三五丸米飲下

脉經曰婦人懷胎一月之時足厥陰脉養之二月

足少陽養三月手心主脉養四月手少陽脉養



五月足太陰脉養六月足陽明脉養七月手太  
陰脉養八月手陽明脉養九月足少陰脉養十  
月足太陽脉養諸陰陽脉各養三十日手少陰  
太陽不養者上為乳汁下主月水也值養胎之  
經者不可針灸犯之必墮胎

胎不長

良方曰妊娠而胎不長者因有宿疾或因失調以  
致臟腑虧損氣血虛弱而胎不長也當治其疾  
痰益其氣血則胎自長矣

生生子曰曾見一宦婦每妊至五六月則墮如此  
者三次胎甚瘦小詢知少時患哮喘因而背駝  
軀亦矮小因腹中不舒其胎不能長后治其哮  
嗽再孕乃不墮竟足月而產一子此固偶然則  
良方宿疾之說似不誣矣

薛氏曰一婦胎六月躰倦懶食面黃晡熱而胎不  
長因勞欲墜此脾氣不足也用八珍湯倍加參  
朮茯苓三十餘劑脾胃漸健胎安而長矣

生生子曰昔在西吳有張氏婦年二十三孕適三

月迎子胗之其脉兩尺皆濡左手短弱右關不  
充據脉濡不當有妊而其夫云向已變胎者二  
俱彌月而產躰皆不完始無舌次無水火門戶  
產下隨死而無生氣今第三孕矣心憂之以翁  
治法多竒思幸投劑而保全之也予以脉叅之  
多為神志不足因處一方曰壯神益志保孕湯  
即語之曰是方每月可服十帖過八月則不必  
服矣彼欣然從而服之足月產一女形全而氣  
壯及再有妊未服藥雖生一女完矣而頭面為

白膜遮蔽隱々僅見耳目口鼻而亦隨死也後  
又孕適予歸省其婦心憂失措夫諭之曰無恐  
前保孕方在向以未服乃致乖舛今可亟服也  
照方服如前至期生一子而無恙舉家以此方  
為神錄而置之香火堂中尸祝之此亦愚見之  
偶中者人以旋服旋効而遂神之也亦其家為  
富而甚不仁丘里啣之當其產而偵之其產而  
怪以為作惡之報迨產子而無恙即以鄙為保  
孕之神至今傳頌不衰也予因記其事并戒夫

人之為惡者

神益志保孕湯 茯神 當歸 酸枣仁

人參 遠志 山藥 黃芪 鹿角膠各一錢

白木二錢 砂仁三分 甘草四分 加負眼肉五枚 束二

枚水煎服

黃芪湯 治妊娠不長更安胎和氣 黃芪炒

白木炒 陳皮 麥冬 白茯苓 前胡

人參各五分 川芎 甘草炒三分 右姜枣水煎服

集驗方 用鯉魚長尺許者如食法整理飲其汁

則胎漸大而長矣然亦須每月服數次為妙

墮胎後血下不止

墮胎後復損經脉而下血不止甚則煩悶致死皆

以調補胃氣為主

薛氏曰一妊婦墮胎昏憤不時吐痰自用養血化

痰之劑昏憤不省自汗發搐痰涎湧出彼以為

中風欲用祛風化痰予曰此屬脾氣虛寒所致

遂用十全大補湯加炮姜二十餘劑尋愈

墮胎下血煩滿寒熱狂悶鎊鹿角屑為末每服三

錢水調下日三服

墮胎下血腹痛

阿膠

兩

艾葉

錢五

水煎服

補中益氣湯

加鹿角膠一錢

臨服入童便半酒杯立止

人參黃芪湯

治小產氣虛血下不止

人參

黃芪

當歸

白朮

白芍

艾葉

阿膠

水煎服

未足月欲產

妊娠未足月而痛欲產者知母丸佳氣血不足者

芎歸補中湯倍加知母或八珍湯內加之

血熱所宜

薛氏曰一妊婦八月胎欲墜如產卧久少安日晡

益甚此氣血虛弱朝用補中益氣湯加茯苓半

夏隨愈更以八珍湯調理而安

芎歸補中湯 治氣血虛而欲產

艾葉

代

阿膠

炒

川芎

五味子

炒

川歸

白朮

炒

黃芪

炒

人參

芍藥

炒

各錢

甘草

炙五分

杜仲

錢一

水煎作二次服

知母丸 十月未足而痛如產兼治產難及子煩

知母為末蜜丸梧子大米飲下三十九或酒下  
又方 月數未足而似欲產腹痛

槐子 蒲黃 等分為末蜜丸梧子大酒吞三

十九痛止為度 蒲黃味一以井水調服亦焦

千金方 治月未足而欲產

菖蒲根搗汁一二升灌下

本草云菖蒲治胎動不安下血

過期不產

妊娠月足而過期不產者當補血行滯羅先生以  
四物湯加香附菴仁枳壳縮砂紫蘇水煎服之

數帖即生

妊娠咳嗽

夫肺內主氣外主皮毛腠理不密寒邪乘之則咳  
嗽秋則肺受之冬則腎受之春則肝受之夏則  
心受之其嗽不已則傳于臟府妊娠病久不已  
則傷胎也

薛氏曰若秋間風邪傷肺用金沸草散夏火邪尅  
金用人參平肺散冬寒邪傷肺用人參敗毒散  
春風邪傷肺用參蘇飲若脾肺氣虛用六君子

芎歸桔梗若血虛桑皮杏仁桔梗腎火上炎用  
六味丸加五味子煎服脾胃氣虛風寒所傷補  
中益氣湯加桑皮杏仁桔梗

又治一妊婦氣喘痰甚諸藥不効素有帶下始于  
目下有浮氣兩月其面亦然此氣虛而有痰飲  
也用六味丸料數劑而愈

一妊婦嗽則小便出此肺氣不足腎氣虧損不能  
司攝用補中益氣湯以培土金六味丸加五味  
以生腎氣而安

一妊婦咳嗽其痰上湧日五六碗許諸藥不應予  
以為此水泛為痰用六味丸料及四君子湯各  
一劑稍愈數帖而安

一妊婦因怒咳嗽吐痰兩脇作痛此肝火傷肺金  
以小柴胡湯加山梔枳殼白朮茯苓治之而愈  
但欲作嘔此肝侮脾也六君子加柴胡升麻而

桔梗散 治風寒咳嗽喘急不食 天冬去心

赤茯苓各錢 桑皮 桔梗炒 紫蘇 貝母

人參各五分 麻黃去節 炙甘草各三分 右加姜水煎服

馬兜鈴散

治咳嗽氣喘

馬兜鈴

苦梗

人參

甘草

貝母

各五分

紫蘇

錢一

橘紅

大腹皮

桑皮

各一錢

五味子

十一粒

右姜水煎服

百合散

咳嗽胸膈煩悶

川百合

紫苑

麥冬

苦梗

桑皮

各五分

甘草

三分

竹茹

二分

加姜水煎服

妊娠傷寒涎多咳嗽

知母

杏仁

天冬

桑皮

各五分

姜水煎服

加味參蘇飲

治項背拘急鼻塞頭眩時發寒熱

咳嗽

即參蘇飲加五味子杏仁是也

妊娠吐血衄血

妊娠吐血衄血由七情臟腑所傷氣逆于上致血

上溢不止心悶甚者多死或墮胎也宜用局方

必勝散

薛氏曰若肝經怒火先用小柴胡山梔生地次用

前藥合四物後用加味道遙散若肝經風熱防

風子芩丸心經有熱硃砂安神丸心氣不足茯

苓補心湯思慮傷心妙香散胃經有火犀角地

黃湯膏梁積熱加味清胃散肺經有火黃芩清  
肺飲因氣鬱滯紫蘇飲子氣不攝血用補中益  
氣湯腎經虛火六味地黃丸

蘇飲 治妊娘失調胎氣不安上攻作痛或氣  
逆失血 方在胎上通卷中

一妊婦因怒失血而脇脹痛小便淋瀝此怒而血  
蓄于上隨火出也用小柴胡合四物四帖血止  
用六君子安胎飲調理全安

必勝散 治男子婦人血妄流溢或吐咳衄血並

小薊連枝 人參 蒲黃炒 熟地 川歸

川芎 烏梅去核 水煎服

黃芩清肺飲 治妊娘肺熱吐衄及治肺熱小便

不利 黃芩炒 山梔炒 鹽豉二十粒 水煎服

加味清胃散 治醇酒厚味唇齒作痛或齒齲潰

爛并頭面頰項疼痛及妊娘吐衄 川歸

黃連炒 生地 丹皮各一錢 犀角 連翹一錢

升麻二錢 甘草五分 右水煎服 便秘加大黃

子煩



良方曰妊娠苦煩悶者以四月受少陰君火以養精六月受少陽相火以養氣若母心驚胆寒多有是症產寶云是心肺虛熱或痰積于胸若三月而煩者吐涎惡食大凡停痰積飲寒熱相搏吐甚則胎動不安

薛氏曰內熱子煩用竹葉湯氣滯用紫蘇飲痰滯用二陳加白朮黃芩枳壳氣鬱用分氣飲加川芎脾胃虛弱用六君子加紫蘇山梔

竹葉湯 妊娠心驚胆怯終日煩悶名曰子煩

白茯苓錢二 防風 黃芩 麥冬錢各一 竹葉片

水煎服一方有知母

人參散 熱乘心脾煩熱乾渴 人參 麥冬

赤茯苓 地骨皮 黃芩炒 乾葛 甘草五分

犀角錢各一 水煎服

竹茹湯 妊娠煩躁或胎不安

淡竹茹一兩水煎服之

知母丸 知母一味炒為末枣肉丸如彈子大每

服一九人參湯下

分氣飲

脾胃虛弱氣血不和胸膈不利或痰氣

喘嗽飲食少思

陳皮

茯苓

半夏

桔梗

大腹皮

蘇葉

白朮

枳殼

山梔

各一錢

甘草

分五

右加姜棗水煎服

治子煩口乾不得卧用黃連為末每服一錢米飲

調下



國家圖書館, NATIONAL CENTRAL LIBRARY, TAIWAN, R.O.C.

赤水玄珠婦人門第二十二卷目錄

妊娠煩躁口乾

風痙子癇

妊娠瘕瘕

妊娠鬼胎

妊娠不語

傷寒熱病防損胎

妊娠傷寒

妊娠時氣

過時熱病

熱病胎死腹中

妊娠瘡疾

妊娠泄瀉

下痢黃水

大小便不通

小便不通

子淋

名曰轉脬

妊娠遺尿

妊娠尿血

胎水腫滿

腹內鍾鳴

孕癰

臍躁悲傷

滑胎方法

十產論

產難方論

交骨不開產門不閉

下死胎方

產難生死脉訣

胞衣不出

產後血暈

產後顛狂

狂言譫語

產後不語

赤水玄珠婦人門第二十二卷

新安生生子孫一奎著輯

妊娠煩躁口乾

足太陰脾之經其氣通於口手少陰心之經其氣通於舌若臟腑不調氣血不和以致內熱乘於心脾津液消燥故心煩口乾也與子煩大同小異宜用益母丸

即前一味知母丸是也

一妊婦煩熱咽疼用知母散加山梔清肺而愈后又內熱咳嗽小便自遺用補中益氣加麥門冬

山枝以補肺氣滋腎水而痊

知母散 治煩躁悶乱口乾

知母 麥冬 黃芪炒 子苓炒

赤茯苓各一錢 甘草 水煎入竹瀝一合再煎

一沸服之

人參黃耆散 治身熱煩躁口乾

人參 黃耆炒 葛根 秦艽 赤茯苓

麥冬各一錢 知母 甘草各五分

右姜三片竹葉十四片水煎服

妊娠風痙子癇

妊娠體虛受風而傷足太陽經遇風寒相搏則口  
噤背強甚則腰反張名之曰痙須臾自醒良久  
復作又名曰子冒又類子癇

生生子曰風痙乃外邪從足太陽而入有剛柔之  
分當從仲景法於傷寒門中求治子癇乃痰涎  
所致是內臟所生治當分別

蘇氏曰若心經風熱用釣藤湯肝脾血虛加味道  
遙散肝脾鬱怒加味歸脾湯氣逆痰滯紫蘇飲

肝火風熱釣藤散脾鬱痰滯二陳姜汁竹瀝若  
兼症相雜看所兼重輕分治

一妊婦出汗口噤腰背反張時作時止此怒動肝  
火也用加味道遙散漸愈又用釣藤散而止更  
以四君加釣藤山梔柴胡而安

一妊婦因怒忽仆地良久而甦吐痰發搐口噤項  
強用羚羊角散漸愈更用釣藤散始痊又用歸  
脾湯全安

羚羊角散 治妊娘胃悶角弓反張及子癇子冒

風癱等症

羚羊角 獨活 酸枣仁炒 五加皮 防風

川芎 苡仁炒 川歸洗 杏仁去皮尖

茯神各五分 炙甘草 木香各二分 右姜水煎服

釣藤湯 方見胎動不安卷

雲箕子葛根湯 妊娘臨月因發風癱忽悶憤不

識人吐逆眩倒併治子癇

葛根 貝母 丹皮 防風 川歸 川芎

茯苓 桂心 澤瀉 甘草各一兩 獨活

居羔 人參 各三兩 右以水九升煮取三升分  
作三服○貝母令人易產未臨月升麻代之此  
症多由風寒濕乘虛而感皆從太陽經治  
活人獨活防風湯 治太陽有汗名柔痲

桂枝 獨活 防風 各一兩  
芍藥 三兩 甘草 半兩  
右每服乙兩水煎溫服

防風葛根湯 治太陽無汗名曰剛痲

葛根 四兩 麻黃 三兩 芍藥 二兩 桂枝 一兩  
每服一兩先煮麻黃去上沫入餘藥同煎溫服

姪娘癩瘰

瘰者筋脉急而縮也痲者筋脉緩而伸也一縮一  
伸手足相引搐搦不已大抵與嬰孩發搐相似  
此症多屬風主搖動駱龍吉云心主脉肝主  
筋心屬火肝屬木主風火相熾則為癩瘰  
也○治法若因風熱用釣藤湯加柴胡山梔黃  
苓白朮以平肝木降心火養血氣若風痰上壅  
加竹瀝南星半夏若風邪急搐加全蝎姜蚕氣  
血虧損用八珍湯倍加釣藤山枝若抽搐無力

戴眼反折汗出如珠者肝氣絕也皆不治

薛氏治一妊婦四肢不能伸服祛風燥濕之劑遺屎痰甚四肢抽搐乃肝火血燥用八珍湯倍加炒黑黃芩佐以釣藤湯而安後因怒前症復作小便下血寒熱少寐飲食少思用釣藤散加山枝柴胡而血止續用加味道遙散寒熱退而得寐用六君子湯加芍藥釣藤飲食進而漸安

釣藤散 治肝厥頭暈

釣藤鈎 陳皮 炒半夏 麥冬 茯苓

茯神 人參 甘菊 防風 各一錢 炙甘草 三分

石膏 煨二錢 姜三片水煎服

妊鬼胎

八由臟腑失調血氣不充營衛虛損則精神衰弱而鬼魅之類得以乘之亦如懷妊之狀故名曰鬼胎也

薛氏曰一婦經閉八月肚腹漸大面色或青或黃用胎症之藥不應薛診視之曰面青脉濡寒熱往來肝經血病也面黃腹大食少体倦脾經血



病也此鬱怒傷肝脾之症非胎也不信仍用胎  
劑無功乃與加味歸脾湯逍遙散各二十餘劑  
諸症稍愈彼欲速効別服通經丸一服下血昏  
潰自汗惡寒手足俱冷嘔逆不食用人參炮姜  
二劑漸愈又用十全大補湯五十餘劑而安  
治此症大抵要看虛實者可攻涉虛者必於補  
中兼消而佐以雄黃丸之類行而散之

雄黃丸 治鬼胎瘀血腹痛

雄黃 鬼臼去毛 莽草 丹砂 巴霜

獺肝炙黃各半兩 蜥蜴 枚炙 蜈蚣 一條炙

右為末蜜丸梧子大每服二丸空心溫酒下日

二服或下蛇鱉之類

治鬼胎及血氣痛不可忍

斑蝥去頭翅足用糯米炒 延胡索 炒等分

為末溫酒下五分以去穢物為度空心服

斬邪丹 治鬼胎大如抱甕

吳茱萸 川烏 秦艽 柴胡 姜蚕

莞苓醋炒 巴戟 巴仁 各一兩

為末蜜丸梧子大每服七丸蜜酒下取下惡物

娠娘不語 此名曰瘖

黃帝曰人有重身九月而瘖此為何也岐伯對曰胞之脉絡絕也帝曰何以言之岐伯曰胞絡者繫於腎少陰之脉貫腎繫舌本故不能言帝曰治之柰何岐伯曰無治也當十月復

此至人窮理之言患此者當靜以偵之不必驚惶而亂投劑十月分娩後當自語也

娠娘傷寒熱病防損胎

良方曰非節之氣傷胎娠娘熱毒侵損胞胎若不

早治多致墮胎漏血則子母之命亦不能全矣

薛氏曰此亦當分六經為主相參而治

娠娘傷寒身痛壯熱

葱白一升 前胡 葛根 石膏各二兩半 青代半兩

升麻二兩 梔子十二枚 水煎分三服

娠娘傷寒大小便閉結

前胡二兩 大黃 石膏各五兩 山梔十枚 知母

黃芩 茯苓 生薑各二兩 水煎分三服

娠娘傷寒發斑忽黑小便如血其胎欲落

山梔 升麻各四兩 青代 二兩 生地 四兩 石膏 八兩

葱白 一升 黃芩 三兩 水煎分三服

又用井中泥塗心下乾則易

妊娠熱病先宜白朮散以安其胎傷寒亦然

白朮 二兩 黃芩 各二錢 加姜棗水煎服

若四肢厥逆陰症也不可服

妊娠傷寒

生生子曰妊娠傷寒所干甚大治之不早及治不如法多傷胎損母古人以四物加入引經散邪

之劑可選而用之然亦不能尽其變茲錄以補之

阿膠散 治時氣傷寒先服此以安胎却以主藥

相間服

阿膠 炒 白朮 炒 桑寄生 人參 茯苓

右為末每服一錢糯米飲調下日三服

前胡湯 治傷寒頭痛壯熱肢節煩痛

石膏 錢一 前胡 甜竹茹 枝子 炒 黃芩 炒

大青 知母 各五分 加葱白水煎服

蘇木湯 傷寒時行洒淅寒振或兼噦者

赤芍 橘紅 黃芩炒 黃連炒 甘草 蘇木

各五分水煎服汗出即瘥如胎不安更服阿膠

黃龍湯 妊娠寒熱頭疼嘔不食脇痛嘔痰及

產後傷風熱入胞宮寒熱如瘧或經水適來及

勞復熱不解散者

柴胡二錢 黃芩炒 人參 甘草各一錢 水煎服

柴胡石膏湯 頭疼惡寒身熱拘急口乾

柴胡二錢 甘草一錢 石膏三錢 姜水煎服

若氣虛加人參

枳實散 傷寒四五六日腹脹少食腰疼躄重

枳實炒三錢 陳皮一錢 麥冬半錢 姜葱水煎服

旋覆花湯 傷寒頭目旋疼壯熱心躁

旋覆花 赤芍 甘草各五分 前胡 石膏各一錢

麻黃去節 白朮 人參 黃芩各三分 姜水煎

麥門冬湯 傷寒壯熱嘔逆頭疼胎氣不安

人參 石膏各一錢半 前胡 黃芩各五分 葛根

麥冬各一錢 加姜枣竹茹水煎服

梔子大青湯 發斑變黑尿便血

升麻 梔子 大青 杏仁 黃芩 各一錢

加葱白三寸水煎服

白朮湯 傷寒煩熱頭痛胎動或時吐逆不食

白朮 橘紅 麥冬 人參 前胡 川芎

甘草 半夏 赤茯苓 各五分 姜竹茹水煎服

芎藭散 治外感風寒壯熱頭疼心胸煩悶

紫蘇葉 川芎 白朮 白芍 麥門冬

陳皮 乾葛 各五分 甘草 炙三分

右姜蔥白水煎服

參蘓飲 治症同上

妊娠時行病

四季之間反常如春寒夏冷秋熱冬煖乃非其時而有其氣者謂時行不正之氣也感之者少長三五相似甚至沿門闔境相類妊娠患之重者多致損胎○亦當與傷寒熱病參治

秦艽散 治時氣五六日不得汗口渴飲水狂言

嘔逆

秦艽 柴胡各五分 石膏 一錢 犀角 赤茯苓

前胡 甘草 葛根 升麻 黃芩各四分

加淡竹茹水煎服

葛根飲子 時氣煩熱口乾頭疼

乾葛 麻黃去根節 各半兩 石膏 一兩 豆豉 一合

白米半升 枝子十四粒 葱白 二莖

水煎分三服汗出為効

消熱飲子 治時氣六七日大小便不利

芒硝一兩 細研 葵子 二兩 水煎分三次以利為効

人參敗毒散 治四時傷風頭痛發熱咳嗽

此方即倉廩湯減陳倉米是也

過時熱病

冬時觸冒嚴寒即病曰傷寒不即病而毒藏於肌骨之間至春發為溫病至夏發為熱病也妊娠患之多致墮胎熱病與暑病相似但熱病脈實暑病脈虛治當審察

治妊娠熱病頭痛嘔吐煩悶

人參一方 無 竹茹 葛根各一兩 茅根二兩 知母三兩

麥冬一兩

每服五錢葱白三寸水煎服

枝子仁飲 治病發斑黑色小便如血氣喘急胎

歌墮

梔子 升麻 石膏 生地各二兩 黃芩一兩

大青錢八 每服五錢葱白七寸錢九 水煎服

大黃飲 治熱病六七日大小便秘澀

大黃微炒 石膏各兩 知母 前胡 赤茯苓各七錢半

梔子 甘草 黃芩各五錢 生地黃一兩半

每服七錢水煎服

芦根湯 治熱病頭痛心煩嘔吐

知母兩四 竹茹兩三 每服五錢生芦根一握同

糯米一撮水煎服

梔子五物湯 治妊婦傷寒壯熱頭痛

梔子 前胡 知母各二兩 黃芩一兩 石膏四兩

每服五六錢水煎服

升麻六物湯 治傷寒斑黑溺血

升麻 梔子各二兩 大青 杏仁 黃芩各一兩

每服五錢葱白五寸水煎服

又方

伏龍肝為末每服一錢水調下外用水調塗臍

又方

芎根煮汁時服一盞

熱病胎死腹中

良方曰熱病以致胎死腹中不能出者但服黑神散胎自下矣

陳無擇先生曰當視其產母若面赤舌青其子已死而青舌赤母死子生唇青吐沫子母俱死若

雙胎或一死一活用黑神散

薛氏曰竊謂前症宜補助產母使其胎自下黑神散恐大熱不宜輕用果胎已死者用平胃散加朴硝水銀下之最為穩當庶不併傷生者

生生子曰前症妊母既曰熱傷其胎矣必其母衝任熱極營衛枯槁其胎乃死猶之藤枯而爪焦也仍以熱藥下之寧不重傷妊母乎薛公評之當也而良方每謂妊婦致疾多起於寒按其逐月所著養胎之方籍熱藥為主是亦一偏也



其間豈無挾熱者乎故丹溪曰虛曰熱謂涼血則血循經而胎得以滋養血熱則沸騰也今此症始既曰熱病胎死腹中矣又復以熱藥下之意者恐以死胎不下為急而不暇顧其母耶不然必為用寒涼治熱太過而中氣虛寒熱劑為不得已用之也否則何陳無擇之高哲寧肯從而主之

黑神散 又名烏金散

桂心 當歸 芍藥 甘草 芎藭 乾姜 炮

生地 各一兩 炒去皮 大附子 炮去皮 臍半兩

為末每服二錢溫酒下

又方 治胎死腹中

紅卷 酒煮汁濃飲之二三碗効

又方

伏龍肝為末溫酒下二錢白湯下亦可

又方

朴硝為末童便和熱酒調下一二錢立下

妊娠瘡疾

妊娠病瘡乃夏傷於暑客於皮膚至秋而發陽盛則熱陰盛則寒陰陽相離寒熱俱作妊娠而作多傷於胎 當於瘡症門尋治

薛氏曰若木侮土久而不愈用六君子為主佐以安胎藥乃參三陰三陽經而治之

即瘡症門仲景方劉守真分經治療法也

清脾飲 小柴胡湯 逍遙散 補中益氣湯  
選而用之極為穩當○黃芩白朮陳皮三味煎湯服亦佳

### 妊娠泄瀉

良方論曰妊娠泄瀉或青或白水穀不化腹痛腸鳴謂之洞瀉水穀不化喜飲嘔逆謂之協熱下利並以五苓散利小便次以黃連阿膠丸或三黃熟艾湯以安之若瀉黃有沫腸鳴腹痛脈沉緊數用戊己丸和之暖腐不食胃脈沉緊用感應丸下之後調和脾胃若風冷水穀不化知豆汁用胃氣湯寒冷臍下陰冷理中湯治中湯伏暑心煩渴瀉水用四苓散傷濕泄瀉小便自利

用不換金正氣散胃苓湯此四症之大略也仍  
參泄瀉門互治

生生子曰前症予見之屢矣人皆以為小疾忽而  
不治及生子率多虛弱子姪婦每懷妊必瀉治  
亦不愈分娩後又自止也其生子也脆而白無  
血色得非胎虛之故歟予因思之妊娠則月水  
蓄之以養胎血亦濕類也以停濕故瀉經曰濕  
勝則濡泄是也治宜健脾燥濕后孕以白朮半  
夏芎為丸與之而安

薛氏曰按前症若米食所傷用六君加穀蘖麵食  
所傷六君加麥蘖肉食所傷六君加山查若兼  
寒熱作嘔乃肝木侮脾土用六君加柴胡生姜  
兼嘔吐腹痛手足逆冷乃寒水侮土六君加姜  
桂不應用錢氏益黃散若元氣下陷發熱作渴  
肢體倦怠用補中益氣湯若泄瀉色黃乃脾土  
之真色用六君加水香肉果若作嘔不食腹痛  
惡寒乃中焦虛寒用六君加木香姜桂若瀉在  
五更侵晨飲食少思乃脾腎虛弱五更服四神

九日間服白朮散如不應或愈而復發或飲食少思急用八味丸補右腎以培脾土為善

厚朴丸 治洞泄寒中

乾姜炮 厚朴製等分

為末糊丸梧子大米飲下五十丸

草果散 治虛寒泄瀉腹痛無度

厚朴姜制 二兩 肉果麵煨 十枚 草豆蔻煨 十枚

每服三錢水煎服

妊娠下痢黃水

妊娠痢疾宜搜痢疾門參治而痢黃水乃脾土虧損真氣下陷也當升補中氣看所兼何症而治之在臨病制宜不必拘用阿膠艾葉之類也

產寶方 治妊娠痢黃水

厚朴姜汁炒 黃連各二兩 肉果五枚

右水煎徐徐服以効為度

又方 治熱痢

黃連一升 黃栢一升 梔子二十枚

每服五錢水煎如嘔者加橘紅生姜

又方 姪娠下痢痛

糯米合一

當歸炒

黃芪各一兩

水煎分四服

臨產下痢用梔子炒為末每服二錢白湯調甚効  
姪娠大小便不通

大小便不通由臟腑之熱所致若大腸熱則大便  
不通小腸熱則小便不通大小腸俱熱更推其  
因而藥之

當歸散 姪娠因怒肚腹脹痛四肢浮腫氣急作  
喘大便難小便澀產門腫

當歸五分

分

赤茯苓

枳壳麩炒

白芍

川芎

各一錢

白姜炮

炮

木香

甘草

各三分

姜一片

水煎

若氣弱者枳壳減半大便秘加蜜同煎服

姪娠大小便不通腹脇痞悶不思飲食

大黃炒

炒

木通

檳榔各一兩

枳壳

麩炒三錢

訶子

四枚去核半生半熟用

大腹子

三枚

共為末童便一盞葱白七莖煎六分調服

二錢

治姪娠小便不利氣急服猪苓散不瘥用甘遂為  
末蜜和服豆許微利之未利再服利後仍服猪

苓散

猪苓散

治妊娠小便澀痛及胎水

猪苓

去皮

為末白湯調下一錢加至二錢日三服夜二服

又方

車前子 一兩

大黃 炒半兩

共為末每服三錢密湯調下

妊娠小便不通名曰轉脬

妊娠小便不通為小腸有熱傳於脬而不通耳若

兼心肺氣滯則致喘急陳無擇云妊娠胎滿逼胞多致小便不利若心腎氣虛清濁相干而為諸淋若胞系了戾小便不通名曰轉脬若胎滿尿出名曰遺尿

薛氏曰按丹溪云轉脬小便閉多因胎婦虛弱憂悶性躁燻灸厚味古方用滑利踈導藥鮮効若脬為胎所壓而不通但當升舉其胎俾胞系踈鬆而小便自行若臍腹作脹而小便淋閉此脾胃氣虛胎壓尿胞四物二陳參朮空心服後探

吐數次自安竊謂前症亦有脾肺氣虛不能下  
輸膀胱者亦有氣熱鬱結膀胱津液不利者亦  
有金為火爍脾土濕熱甚而不利者更當詳審  
施治

一婦患此小腹腫脹絕至於殆用八味丸一服小  
便淋瀝再以八味丸料加車前子一劑即利肚  
腹頓宛而安

八味丸 治妊婦飲食如故煩熱不得卧反側倚  
息因脬系了戾不得溺名轉脬但利小便則

愈內有茯苓故也緩則不救

其方即六味地黃丸加附子桂心  
古今錄驗治妊娘小便難飲食如故

當歸

貝母

去心炒

苦參

各三兩

滑石

半兩

為末蜜丸小豈大每服三十九米飲下

治妊娘小便不通臍下妨悶心神煩亂

葵子

研

榆白皮

各一兩

葱白七莖水煎分二服

古今錄驗妊娘不得小便者

杏仁

去皮尖

炒黃搗丸豆大燈心湯吞下七丸